



„REGIONALNA DEPONIJIA MOŠĆANICA“ d.o.o. ZENICA
Moščanica bb, 72000 Zenica, BiH

Tel: 032 / 44 63 60, Fax: 032 / 44 66 34,

www.rdm.ba e-mail: regdepze@bih.net.ba

Identifikacioni broj: 4218003170004, PDV broj: 218003170004,

Registarski broj: U/I-3232/02 (Kantonalni sud Zenica)

Broj: 02-207/18

Zenica: 28.05.2018. godine

Na osnovu člana 64., stav 1., tačka b) i člana 70., stav 1., 3. i 6. Zakona o javnim nabavkama („Službeni glasnik BiH“, broj 39/14), na preporuku Komisije za javnu nabavku, broj: 02-206/18 od 28.05.2018. godine, u postupku javne nabavke plina propan - butan (omjer 40%/60%), direktor Privrednog društva „Regionalna deponija Moščanica“ d.o.o. Zenica (u daljem tekstu: Ugovorni organ) je donio:

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javnu nabavku, datoj u Zapisniku o ocjeni ponuda broj: 02-206/18 od 28.05.2018. godine i Ugovor za javnu nabavku plina propan - butan (omjer 40%/60%), dodjeljuje se ponuđaču „Papić d.o.o. Tomislavgrad“ na osnovu njegove ponude, broj: 04-05/18 od 23.05.2018.godine, te nakon provedene e-aukcije, za ponuđenu cijenu od 3.072,30 KM bez PDV-a, kao najbolje ocijenjenom.

Član 2.

Prijedlog ugovora dostavit će se na potpis izabranom ponuđaču „Papić d.o.o. Tomislavgrad“ najkasnije u roku od 10 dana, računajući od dana od kada je obaviješten o izboru najpovoljnije ponude a nakon što Odluka postane pravosnažna i konačna.

Član 3.

Ova odluka objavit će se na web-stranici Ugovornog organa (www.rdm.ba) istovremeno s upućivanjem primjeraka odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja, i dostavit će se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke plina propan - butan (omjer 40% propana/60% butana) za potrebe Ugovornog organa pokrenut je Odlukom o pokretanju postupka javne nabavke, broj: 02-174/18 od 08.05.2018. godine. Procijenjena vrijednost javne nabavke bez PDV-a je 5.000,00 KM.

Javna nabavka je sprovedena konkurentskim zahtjevom u skladu sa Zakonom o javnim nabavkama BiH. Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci, broj: 362-7-1-101-3-5/18 je objavljeno na Portalu javnih nabavki (www.ejn.gov.ba), dana 09.05.2018.godine.

Komisija za javnu nabavku imenovana je Odlukom direktora Ugovornog organa, broj: 02-175/18 od 08.05.2018. godine. Komisija za javnu nabavku je dostavila dana 28.05.2018. godine, Zapisnik o ocjeni ponuda, broj: 02-206/18 od 28.05.2018. godine, u postupku javne nabavke plina propan - butan (omjer 40%/60%).

U Izvještaju (Zapisniku) o radu je utvrđeno da je Komisija u skladu sa Zakonom blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno sljedeće:

- krajnji rok za prijem ponuda bio je: 23.05.2018. godine do 11:00 sati,
- da je ukupno dostavljeno pet (5) ponuda,
- da su blagovremeno zaprimljene četiri (4) ponude,
- da je jedna ponuda dostavljena neblagovremeno.

Nakon isteka roka za dostavljanje ponuda to jest na dan 25.05.2018. godine putem pošte dostavljena je ponuda ponuđača Istrabenz plini d.o.o. Breza i ista je u skladu sa odredbama tačke 22. Tenderske dokumentacije kao neblagovremena vraćena ponuđaču neotvorena.

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njihove validnosti obzirom na iskazane zahtjeve Ugovornog organa u tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija Ugovornog organa je konstatovala da ponuda ponuđača GTG plin d.o.o. Zenica je neprihvatljiva iz razloga što ponuđač nije ovjerio pečatom Obrazac za cijenu ponude a Ugovorni organ je u Obrascu za cijenu ponude između ostalog propisao odnosno predvidio ovjeru istog pečatom. S toga, ova se ponuda odbacuje i ne razmatra se u daljnjem postupku vrednovanja ponuda.

Pored toga, ponuda ponuđača Liquivex d.o.o. Usora se također odbacuje iz razloga što ponudu nije potpisala ovlaštena osoba. Naime, ponudu je potpisala Safeta Džeković (finansijski menadžer) u svojstvu predstavnika privrednog društva Liquivex d.o.o. Usora ali uvidom u Izvod iz sudskog registra nesporno je da navedena osoba nije ovlaštena da predstavlja preduzeće.

Također, pregledom ponude, utvrđeno je da za istu nije dostavljena punomoć da predstavlja preduzeće odnosno potpiše ponudu.

Osim toga, u obrascu za cijenu ponude, predmetni ponuđač nije upisao cijenu ponude slovima a što je Ugovorni organ propisao u tački 24. Tenderske dokumentacije kao i u samom Obrascu za cijenu ponude. U skladu s tim, ponuda i ovog ponuđača se odbacuje i ne razmatra se u daljnjem postupku vrednovanja ponuda

Daljnjom analizom uočeno je da ponuda ponuđača Papić d.o.o. Tomislavgrad je za više od 20% niža od cijene ponude ponuđača Hifa Petrol d.o.o. Sarajevo a obzirom da su preostale samo te dvije ponude u natječaju ispunjen je uslov za neprivredno nisku cijenu, te u skladu sa tačkom 36. Tenderske dokumentacije Ugovornog organa obratili smo se predmetnom ponuđaču našim dopisom br.02-201/18 od 23.05.2018. godine sa zahtjevom da opravda ponuđenu cijenu.

Dana 24.05.2018. godine, predmetni ponuđač je dostavio obrazloženje cijene svoje ponude na osnovu čega je Komisija Ugovornog organa konstatovala da je dato obrazloženje kao i dostavljeni dokaz o nabavnoj cijeni (račun od Holdina d.o.o. Sarajevo) prihvatljiv i da se može nastaviti sa daljnjim procesom analiza ponuda.

Napominjemo da je ponuda ponuđača Liquivex d.o.o. Usora također imala istu cijenu ponude kao i od preduzeća Papić d.o.o. Tomislavgrad te ponuda preduzeća GTG plin d.o.o. Zenica je bila viša za 9%. U slučaju da su sve ove ponude bile prihvatljive, ponuda ponuđača Papić d.o.o. Tomislavgrad u tom slučaju ne bi bila okarakterisana kao neprivredno niske cijene. Međutim ipak je zatraženo i dobijeno prihvatljivo obrazloženje uz dostavljanje dokaza.

U skladu sa navedenim, konstatovano je da ponude preduzeća Papić d.o.o. Tomislavgrad i Hifa Petrol d.o.o. Sarajevo koje su dostavljene u natječaju ispunjavaju formalno pravne uslove, odnosno da su ponude prihvatljive i da mogu biti predmet vrednovanja shodno utvrđenim kriterijima Obavještenjem o nabavci, odnosno Tenderskom dokumentacijom.

Uvidom u dostavljene ponude, utvrđeno je da ponuda ponuđača Hifa Petrol d.o.o. Sarajevo sadrži dokaz o primjeni preferencijalnog tretmana domaćeg (Potvrdu izdatu od strane Vanjskotrgovinske komore Bosne i Hercegovine o stjecanju uslova za dobivanje sertifikata o BH porijeklu robe) te je u skladu sa zakonskim propisima umanjena cijena njegove ponude za 10 %. Međutim, primjena preferencijalnog tretmana nije imala uticaja na rangiranje.

RANG-LISTA OCIJENJENIH PONUDA PRIJE E-AUKCIJE

Na osnovu naprijed navedenih činjenica, Komisija je izvršila vrednovanje ponuda shodno utvrđenom kriteriju: "najniža cijena", te je rang lista ponuđača sljedeća:

Rang	Naziv ponuđača	Ponuđena cijena (bez PDV-a) u KM	Primjena preferencijalnog tretmana domaćeg (-10%)	Ponuđena cijena nakon primjene preferencijalnog tretmana domaćeg
1.	Papić d.o.o. Tomislavgrad	3.850,00	-	3.850,00
2.	Hifa Petrol d.o.o. Sarajevo	4.970,00	- 497,00	4.473,00

RANG-LISTA OCIJENJENIH PONUDA POSLIJE E-AUKCIJE

U skladu sa Zakonom o javnim nabavkama i odredbama Tenderske dokumentacije Ugovornog organa, zakazana je e-aukcija na dan 28.05.2018. godine u 10:30 sati.

Nakon provedene e-aukcije rang lista ponuđača je kako slijedi:

Rang	Naziv ponuđača	Ponuđena cijena (bez PDV-a) u KM
1.	Papić d.o.o.Tomislavgrad	3.072,30
2.	Hifa Petrol d.o.o. Sarajevo	3.841,44*

*Označava cijenu na koju se primjenjuje preferencijalni tretman

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema Odluke.



Direktor Društva

Zukić Emir / dipl.ing.maš.

Dostaviti:

1x Ponuđaču: "Hifa Petrol" d.o.o. Sarajevo

1x Ponuđaču: Papić d.o.o. Tomislavgrad

1 x Ponuđaču: Liquivex d.o.o. Usora

1 x Ponuđaču: GTG plin d.o.o. Zenica

1x a/a